



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cura Salvtis, Sivæ De Statu Vitæ Mature ac Prudenter
Deliberandi Methodus**

Hevenesi, Gábor

Coloniae, 1716

VD18 13912755

Considerationes circa Ordines mutare solitos Domicilium.

[urn:nbn:de:hbz:466:1-50144](#)

tur in cœnobiis, tum quod hæc in locis minus celebribus sita, occasionem iis utendi eripiant.

7. Vita, præter Chorum & Missam otiosa, quæ facile vitiosa esse solet, est occasio discordiarum, scissionum, maximè cum electio Prælati fiat per Capitularium suffragia.

8. Si quem ad Parochias, aut bonorum præfecturas ire contingat, eadem illi, quæ Ecclesiasticis, pericula imminent; fit præter vestem facile sacerdotalis. Crescit obligatio conscientiæ, dum cura animarum ex justitia assumitur. In talibus Cœnobiis datur occasio ambitioni, ex qua quām primum est, ut oculis hominum quis plus quærat satisfacere, quām DEI beneplacito? Ineuntur amicitiæ, foventur donis, muneribus, defectuum alienorum dissimulazione, dum quisque alterum offendere cavit.

Considerationes circa Ordines mutare solitos Domicilium.

1. **M**utatio frequens superiorum facit, ut hi scientes potestatem suam non fore diuturnam, magis paternè agant; aut si fortè videantur in

I 3 ali-

aliquo excedere, facilis ad mediatos superiores recursus.

2. Mutatio loci tollit tedium & facile subvenit valetudini, si huic locus unus non faveat. Commoditas etiam est pluribus innotescendi, & in spiritu-
libus serviendi.

3. Mutatio ministeriorum hominem reddit aptum ad plura, dat occasionem plus boni proximo præstandi, & ipsa varietas addit novos semper animos ad ea ferventiūs exequenda.

4. Major in his Religionibus occasio exercendi zelum animarum, ædificandi proximum exemplo, & viciissim major fidelium erga has affectus.

5. Major horum ordinum mendicantium paupertas videtur eos vitæ Christi similiores reddere.

6. Plures mortificationes corporis, vigiliæ, videntur securiorem reddere Castitatis Religiosæ observantiam.

7. Major utilitas studiorum, & cùm Ordines hi plerumque in Urbibus reperiuntur, datur occasio talenta sua exhibendi ad DEI gloriam, & Ordinis æstimationem.

8. Major Domiciliorum & totius Ordinis inter se communicatio, & charitas inter

inter plures, adeoque major tum meritorum in vita Communicatio, tum spes suffragiorum post mortem.

9. Per variam loci mutationem homo sit in multis magis eruditus idque tam in spiritualibus, quam literariis rebus, adeoque redditur magis qualificatus ad serviendum DEO & proximo. Qui uni semper loco affixus est, exigua rerum acquirit experientiam.

Considerationes circa Incommoda Ordinum medicantium.

1. **C**Horus quotidianus ad certa tempora infallibiliter præscriptus cum cantu, apud plerosque satis violento & diuturno tædiosus, nec cuique naturæ aptus, imò etiam corporis viribus intolerabilis.

2. In quibusdam jejuniorum, pœnitentiarum, asperitatum multitudo, non cuivis complexioni proportionata; cùm tamen non ea Religio, quæ durior etiam perfectior sit.

3. In aliquibus ordinibus vestis asperitas, perpetuum cilicum, aut silentium, pedum nuditas, &c. meretur justam considerationem, an constanter sufferri possint.

I 4.

4. Men-